



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Vildana Bešlija, zastupnik/ca u Skupštini Kantona Sarajevo

Sarajevo, 28.9.2021.

Dostaviti:

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
Skupština Kantona Sarajevo
n/r predsjedavajući Skupštine Kantona Sarajevo g. Elvedin Okerić

Uputiti:

Ministarstvo komunalne privrede, infrastrukture, prostornog uređenja, građenja i zaštite okoliša

PREDMET: ZASTUPNIČKA INICIJATIVA

Poštovani,

Na osnovu članova 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12, 15/13, 47/13, 47/15, 48/16, 9/20 i 14/20), Ministarstvu komunalne privrede, infrastrukture, prostornog uređenja, građenja i zaštite okoliša (u nastavku – Ministarstvo) u ime građanki i građana okupljenih u neformalnu grupu „Spasimo Dobrinju“ upućujem zastupničku inicijativu za **hitno dostavljanje:**

- **fotokopije akta Ministarstva građenja, prostornog uređenja i zaštite okoliša broj: 05-23-15085/19 od dana 11.10.2019. godine i**
- **fotokopije akta (zahtjeva) koji je prethodio dostavljanju akta broj 05-23-15085/19 od 11.10.2019. godine, zajedno sa svim priložima koje je Ministarstvu građenja, prostornog uređenja i zaštite okoliša dostavila Općina Novi Grad Sarajevo.**

OBRAZLOŽENJE:

Uvidom u obrazloženje Službe za urbanizam, stambene, imovinsko-pravne, geodetske poslove i katastar nekretnina Općine Novi Grad Sarajevo broj 02/04-23-7211/19 A.D. od 22.01.2020. godine vidljivo je da je izvještajem urbaniste prethodno utvrđeno da korisna površina kompleksa koji HIFA OIL d.o.o. Tešanj gradi uz Aerodrom Sarajevo iznosi 11.200,40 m² i da je van obuhvata usvojene provedbeno-planske dokumentacije. Iako je Prvostepeni organ, navodno tražio saglasnost za vođenje upravnog postupka od nadležnog Ministarstva građenja, prostornog uređenja i zaštite okoliša (Drugostepeni organ), koje svojim aktom broj 05-23-15085/19 od 11.10.2019. godine obavještava Prvostepeni organ da je

rješavanje u ovoj pravnoj stvari u isključivoj nadležnosti općinskog načelnika, obzirom da je korisna površina planiranih objekata manja od 10.000 m². U tom kontekstu postavlja se pitanje na temelju čega je Drugostepeni organ utvrdio ovu ključnu okolnost vezanu za ukupnu korisnu površinu jer iz obrazloženja spornog rješenja uopšte nije vidna ova okolnost? Dakle, činjenice i okolnosti navedene u spornom rješenju, a koje su pravno relevantne za donošenje zakonitog rješenja, su proturječne jer Prvostepeni organ dalje uopšte ne navodi niti obrazlaže zbog čega je poklonio vjeru ocjeni Drugostepenog organa iz akta od 11.10.2019. godine, a zanemario prvobitno utvrđene činjenice od strane njihovog stručnog lica – urbaniste, U tom kontekstu postavlja se pitanje, da li su činjenice od kojih zavisi nadležnost za rješavanje u konkretnoj upravnoj stvari uopšte tačno utvrđene, i da li je u to za posljedicu eventualno imalo da je prvobitno rješenje donio nenadležan organ (član 48. Zakona prostornom uređenju KS), odnosno da li je sporno rješenje donio Prvostepeni organ bez posebne dozvole/saglasnosti Drugostepenog organa (član 141. Zakona o prostornom uređenju KS)?

U vezi sa prethodno navedenim, cijenimo da je od iznimne važnosti da Adresat pravilno utvrdi ove okolnosti, a posebno da izvrši uvid u cjelokupnu pismenu korespondenciju Prvostepenog organa i Drugostepenog organa u vezi sa ovim pitanjem, i da provjeri da li je Drugostepenom organu uopšte dostavljena kompletna relevantna dokumentacija na osnovu koje bi se mogle u tvrditi prethodno navedene okolnosti.

Zbog svega navedenog, a u cilju uklanjanja nedoumica, molim vas da fotokopije ovih akata dostavite što prije.

S poštovanjem,

Vildana Bešlija